

ქ. თბილისი

16 მარტი 2018 წელი

ერთის მხრივ, **ერედვის მუნიციპალიტეტი** (შემდგომში შემსყიდველი), წარმოდგენილი მუნიციპალიტეტის გამგებლის **ოთარ ცოტნიაშვილის სახით** და მეორეს მხრივ, **შპს „ბათუმი-2007“** -ს/კ **248429767** (შემდგომში - მიმწოდებელი), წარმოდგენილი მისი დირექტორის **ზაზა ანთაძის** მინდობილი პირის, გენერალური მენეჯერის **ბესიკ ანთაძის** სახით „სახელმწიფო შესყიდვების შესახებ“ საქართველოს კანონისა და „ელექტრონული ტენდერის ჩატარების წესის დამტკიცების შესახებ“ სახელმწიფო შესყიდვების სააგენტოს თავმჯდომარის 2017 წლის 14 ივნისის N12 ბრძანებით დამტკიცებული წესის მოთხოვნათა შესაბამისად, განხორციელებული ელექტრონული ტენდერის (**SPA180002206**) ფარგლებში მომწოდებლის მიერ წარმოდგენილი სატენდერო წინადადების გათვალისწინებით ვდებთ წინამდებარე ხელშეკრულებას შემდეგნაირად:

2. ხელშეკრულების (შესყიდვის) ობიექტი, შესყიდვის საშუალება, ხელშეკრულების ღირებულება, ხელშეკრულების ძალაში შესვლა და მოქმედების ვადა.

- 2.1 შესყიდვის ობიექტია - **გორის მუნიციპალიტეტის ვერხვების დევნილთა დასახლებაში, ერედვის მუნიციპალიტეტის ტერიტორიიდან იძულებით გადაადგილებულ პირთა ოჯახებისათვის საცხოვრებელი ბინებისათვის სახურავების შესაცვლელად** სამშენებლო მასალების მოწოდება (ტრანსპორტირება-ადგილზე მიტანა, ჩამოცლა) უნდა განხორციელდეს 101 (ას ერთი) ოჯახისთვის, მათ შორის ორსაცხოვრებლიანი 17 კოტეჯში მცხოვრებ 34 ოჯახს და ცალკე მდგომ 67 კოტეჯში მცხოვრებ 67 ოჯახს.
(ფასების ცხრილი ხელშეკრულებას თან ერთვის და წარმოადგენს მის განუყოფელ ნაწილს).
- 2.2 შესყიდვის საშუალება – ელექტრონული ტენდერი.
- 2.3 ელექტრონული ტენდერის განცხადების ნომერი - **SPA180002206**
- 2.4 ხელშეკრულების ღირებულება შეადგენს **114 125.21** (ასთოთხმეტიათას ასოცდახუთი ლარი და 21 თეთრი) **ლარს, დღგ-ს ჩათვლით.**
- 2.5 კლასიფიკატორის კოდი - **CPV-44100000** (სამშენებლო მასალები და დამხმარე სამშენებლო მასალები).
- 2.6 ხელშეკრულება ძალაშია 2018 წლის 16 მარტიდან 2018 წლის 30 ივნისის ჩათვლით.

3. შესყიდვის ობიექტის მიწოდების ვადა, ადგილი და პირობები

- 3.1 შესყიდვის ობიექტის მიწოდების საბოლოო ვადაა **ხელშეკრულების გაფორმებიდან არაუგვიანეს 30 (ოცდაათი) კალენდარული დღე.** თუკი მიწოდების ვადის ბოლო დღე ემთხვევა არასამუშაო დღეს, მაშინ მიწოდება განხორციელდება მომდევნო სამუშაო დღეს.
- 3.2 მიწოდების ადგილი: ქ. გორი ვერხვების დევნილთა დასახლება.
- 3.3. მიმწოდებელმა უნდა უზრუნველყოს საქონლის ტრანსპორტირება შემდეგ მისამართზე: ქ. გორი, ვერხვების დევნილთა დასახლება, ასევე განახორციელოს საქონლის გადმოტვირთვა შემსყიდველის მიერ მითითებულ ობიექტზე, შემსყიდველთან წინასწარ შეთანხმებულ დროს.

4. საქონლის ხარისხი და გარანტია

- 4.1. ხელშეკრულების ფარგლებში მიწოდებული საქონელი უნდა შეესაბამებოდეს სტანდარტებსა და ტექნიკურ ნორმებს.
- 4.2. მიმწოდებელი იძლევა ვალდებულებას, რომ მიწოდებული საქონლის ხარისხი უპასუხებს ხელშეკრულებით გათვალისწინებულ პირობებს და დააკმაყოფილებს შემსყიდველის მოთხოვნებს.
- 4.3. მიმწოდებელი ვალდებულია გამოვლენილი დეფექტის შემთხვევაში წუნდებული საქონლის შეცვლა განახორციელოს შემსყიდველის მხრიდან რაიმე დამატებითი დანახარჯის გარეშე.

5. ხელშეკრულების შესრულების კონტროლი (ინსპექტირება)

- 5.1 ხელშეკრულებით ნაკისრი ვალდებულებების შესრულების კონტროლს ნებისმიერ ეტაპზე ახორციელებს შემსყიდველი.
- 5.2 მიმწოდებლის მიერ ხელშეკრულებით ნაკისრი ვალდებულებების შესრულების კონტროლს შემსყიდველის მხრიდან განახორციელებს ერედვის მუნიციპალიტეტის გამგებლის ჯანმრთელობისა და სოციალური დაცვის სამსახურის უფროსი - გაიოზ ბერუაშვილი.
- 5.4 იმ შემთხვევაში, თუ შემსყიდველი კონტროლის (ინსპექტირების) მიზნით გამოიყენებს მოწვეულ პერსონალს, მის შრომის ანაზღაურებას უზრუნველყოფს თვითონ შემსყიდველი.

6. შესყიდვის ობიექტის მიღება-ჩაბარების წესი

6.1. შესყიდვის ობიექტის მიღება-ჩაბარება განხორციელდება საქონლის მიწოდების შემდეგ საქონლის მიმღების (ბენეფიციარის) შემსყიდველისა და მიმწოდებლის უფლებამოსილი წარმომადგენლების მიერ მიღება-ჩაბარების აქტის გაფორმებით.

6.2. მიღება-ჩაბარების აქტი მხარეთა შორის გაფორმდება საქონლის მიწოდების შემდეგ, ფაქტობრივად მიწოდებული საქონლის შესაბამისად, შემსყიდველის მიერ განსაზღვრული ხელშეკრულების შესრულების კონტროლის განმახორციელებელი პირის მიერ შედგენილი ინსპექტირების დასკვნის და მიმწოდებლის მიერ წარმოდგენილი სასაქონლო ზედნადების საფუძველზე.

6.3. მიღება-ჩაბარების აქტების გაფორმების პარალელურად, მიმწოდებელი ვალდებულია წარმოუდგინოს შემსყიდველს შესაბამისი საგადასახადო დოკუმენტაცია (მოქმედი კანონმდებლობის შესაბამისად).

7. ანგარიშსწორება და ანგარიშსწორების ვალუტა

7.1. ანგარიშსწორება მოხდება უნაღდო ანგარიშსწორებით ლარში.

7.2. ანგარიშსწორება მოხდება ადგილობრივი ბიუჯეტის სახსრებით, მიღება-ჩაბარების აქტის გაფორმებიდან 10 (ათი) სამუშაო დღის ვადაში.

7.3. ხელშეკრულებით პირობების დარღვევის შემთხვევაში მიმწოდებელზე დაკისრებული პირგასამტეხლოს ანაზღაურებამდე შემსყიდველი უფლებამოსილია უარი თქვას ანგარიშსწორებაზე. ამ შემთხვევაში ანგარიშსწორება განხორციელდება მიმწოდებლის მიერ შესაბამის ანგარიშზე დაკისრებული პირგასამტეხლოს გადახდის შემდეგ.

8. მხარეთა უფლება-მოვალეობანი

8.1. „შემსყიდველს“ უფლება აქვს:

- შეამოწმოს მიწოდებული საქონლის შესაბამისობა ხელშეკრულებით გათვალისწინებულ პირობებთან.
- განახორციელოს კონტროლი და ზედამხედველობა მიმწოდებლის მიერ ხელშეკრულების პირობების დაცვაზე.
- უარი თქვას უხარისხო საქონლის მიღებაზე.

8.2. „შემსყიდველი“ ვალდებულია:

- წერილობით აცნობოს „მიმწოდებელს“ საქონლის მიწოდებასთან დაკავშირებული ყველა განსაკუთრებული გარემოების შესახებ.
- მოახდინოს ანგარიშსწორება „მიმწოდებელთან“ ხელშეკრულებით გათვალისწინებული პირობების შესაბამისად;
- დაიცვას ხელშეკრულების სხვა პირობები.

8.3. „მიმწოდებელს“ უფლება აქვს:

- მოსთხოვოს „შემსყიდველს“ მიწოდებული საქონლის ღირებულების ანაზღაურება ხელშეკრულებით გათვალისწინებული პირობებით.

8.4. „მიმწოდებელი“ ვალდებულია:

- გააფრთხილოს „შემსყიდველი“ საქონლის მიწოდების პროცესში შეფერხების შესახებ.
- დაიცვას ხელშეკრულებით გათვალისწინებული ყველა პირობა.

9. ხელშეკრულების პირობების შეუსრულებლობა (საჯარიმო სანქციები, ფორმა, ოდენობა, და გადახდის ვადები)

9.1. ფორს-მაჟორული პირობების გარდა, ხელშეკრულების დამდები მხარეების მიერ ხელშეკრულების პირობების შეუსრულებლობის, არაჯეროვნად შესრულების ან/და დაგვიანებით შესრულების შემთხვევაში გამოიყენება საჯარიმო სანქციები.

9.2. მიმწოდებელი ვალდებულია მასალის დარიგება დაიწყოს ხელშეკრულების გაფორმებიდან არაუგვიანეს 5 (ხუთი) კალენდარულ დღეში, წინააღმდეგ შემთხვევაში მიმწოდებელს დაეკისრება პირგასამტეხლო ხელშეკრულების მთლიანი ღირებულების 0.2%-ის ოდენობით, ხოლო 10 (ათი) კალენდარულ დღეზე მეტი ვადით გადაცილების შემთხვევაში შემსყიდველი უფლებამოსილია ცალმხრივად შეწყვიტოს ხელშეკრულება.

9.3. მიწოდების საბოლოო ვადის დარღვევის შემთხვევაში მიმწოდებელს დაეკისრება პირგასამტეხლო ყოველ ვადაგადაცილებულ დღეზე მთლიანი ღირებულების 0,3%-ის ოდენობით, ხოლო მიწოდების დასრულების 10 (ათი) კალენდარულ დღეზე მეტი ვადით გადაცილების შემთხვევაში შემსყიდველი უფლებამოსილია ცალმხრივად შეწყვიტოს ხელშეკრულება.

9.4. ხელშეკრულების შეწყვეტის შემთხვევაში მიმწოდებელი დაჯარიმდება ხელშეკრულების საერთო ღირებულების 5%-ის ოდენობით;

9.5 საჯარიმო სანქციით დაკისრებული თანხა გადახდილ უნდა იქნას მხარისთვის აღნიშნულის თაობაზე გადაწყვეტილების (წერილი ჯარიმის დაკისრების თაობაზე) გაცნობიდან არაუგვიანეს 1 თვის ვადაში.

9.6 საჯარიმო სანქციების გადახდა არ ათავისუფლებს ხელშეკრულების მხარეებს ძირითადი ვალდებულებების შესრულებისაგან.

10. ხელშეკრულების შეწყვეტა

10.1 ხელშეკრულების დამდები ერთ-ერთი მხარის მიერ ხელშეკრულების პირობების შეუსრულებლობის ან არაჯეროვნად შესრულებლობის შემთხვევაში, მეორე მხარეს შეუძლია მიიღოს გადაწყვეტილება ხელშეკრულების სრული ან მისი ცალკეული პირობის მოქმედების ცალმხრივად შეწყვეტის შესახებ.

10.2 მიმწოდებელი ვალდებულია შეატყობინოს შემსყიდველს ცალმხრივად შეწყვეტის შესახებ მიღებული გადაწყვეტილება, მისი მიღების საფუძველი და ამოქმედების თარიღი, ხოლო შემსყიდველმა აცნობოს მიმწოდებელს ცალმხრივად შეწყვეტის შესახებ მიღებული გადაწყვეტილება და ამოქმედების თარიღი.

10.3 ხელშეკრულების შეწყვეტისას მხარეს შეუძლია მოითხოვოს ზიანის ანაზღაურება, რომელიც მას მიადგა მეორე მხარის მიერ ხელშეკრულებით ნაკისრი ვალდებულების შეუსრულებლობით.

10.4 ხელშეკრულების ცალკეული პირობების მოქმედების შეწყვეტა არ ათავისუფლებს მხარეებს დანარჩენი ვალდებულებების შესრულებისაგან.

10.5 შემსყიდველს შეუძლია მიიღოს გადაწყვეტილება ხელშეკრულების ცალმხრივად შეწყვეტის შესახებ, მათ შორის შემდეგ შემთხვევებში:

- ა) მიმწოდებლის მიერ ხელშეკრულებით ნაკისრი ვალდებულებების დარღვევის შემთხვევაში;
 - ბ) მიმწოდებლის მიერ ხელშეკრულების გაფორმებიდან შესყიდვის ობიექტის მიწოდების დაწყების 10 (ათი) კალენდარულ დღეზე მეტი ვადით გადაცილების შემთხვევაში.
 - გ) მიმწოდებლის მიერ შესყიდვის ობიექტის მიწოდების საბოლოო შესრულების ვადის 10 (ათი) კალენდარულ დღეზე მეტი ვადით გადაცილების შემთხვევაში.
 - დ) თუ შემსყიდველისათვის ცნობილი გახდა, რომ მისგან დამოუკიდებელი მიზეზების გამო იგი ვერ უზრუნველყოფს ხელშეკრულებით ნაკისრი ვალდებულებების შესრულებას;
 - ე) საქართველოს კანონმდებლობით გათვალისწინებულ სხვა შემთხვევებში.
- 10.6 ამ მუხლის 10.5 პუნქტში მითითებულ შემთხვევებში შემსყიდველი ვალდებულია აუნაზღაუროს მიმწოდებელს ფაქტიურად შესრულებული სამუშაოების ღირებულება, მიმწოდებლისათვის დაკისრებული პირგასამტეხლოს თანხის გადახდის შემდეგ.

11. ფორს-მაჟორი

11.1 ფორს-მაჟორი - სტიქიური მოვლენები, გაფიცვები, საბოტაჟი ან სხვა საწარმოო არეულობა, სამოქალაქო მღელვარება, ომი, ბლოკადა, აჯანყება, მიწისძვრა, მეწყერების ჩამოწოლა, ეპიდემია, წყალდიდობა და სხვა მსგავსი მოვლენები, რომელიც არ ექვემდებარება მხარეთა კონტროლს და რომელთა თავიდან აცილებაც მათ მიერ შეუძლებელია.

11.2 ხელშეკრულების პირობების ან რომელიმე მათგანის მოქმედების შეჩერება ფორს-მაჟორული გარემოებების დადგომის გამო არ იქნება განხილული როგორც ხელშეკრულების პირობების შეუსრულებლობა ან დარღვევა და არ გამოიწვევს საჯარიმო სანქციების გამოყენებას და მიმწოდებლისათვის ხელშეკრულების შესრულების გარანტიის დაუბრუნებლობას.

11.3 ფორს-მაჟორული გარემოებების დადგომის შემთხვევაში ხელშეკრულების დამდებმა მხარემ, რომლისთვისაც შეუძლებელი ხდება ნაკისრი ვალდებულებების შესრულება, დაუყოვნებლივ უნდა გაუგზავნოს მეორე მხარეს წერილობითი შეტყობინება ასეთი გარემოებების და მათი გამომწვევი მიზეზების შესახებ. თუ შეტყობინების გამგზავნი მხარე არ მიიღებს მეორე მხარისაგან წერილობით პასუხს, იგი თავისი შეხედულებისამებრ, მიზანშეწონილობისა და შესაძლებლობის მიხედვით აგრძელებს ხელშეკრულებით ნაკისრი ვალდებულებების შესრულებას და ცდილობს გამონახოს ვალდებულებების შესრულების ისეთი ალტერნატიული ხერხები, რომლებიც დამოუკიდებელნი იქნებიან ფორს-მაჟორული გარემოებების ზეგავლენისაგან.

11.4 იმ შემთხვევაში თუ ფორს-მაჟორული გარემოებების დადგომის გამო, იცვლება ხელშეკრულებით გათვალისწინებული რომელიმე პირობა, აღნიშნული ცვლილება უნდა გაფორმდეს მხარეთა წერილობითი შეთანხმების სახით.

12. ხელშეკრულებაში ცვლილებების შეტანა

12.1 თუ რაიმე წინასწარ გათვალისწინებული მიზეზების გამო წარმოიშობა ხელშეკრულების პირობების შეცვლის აუცილებლობა, ცვლილებების შეტანის ინიციატორი ვალდებულია შეატყობინოს მეორე მხარეს შესაბამისი ინფორმაცია.

12.2 ხელშეკრულების პირობების ნებისმიერი ცვლილება (მათ შორის მხარეთა შეთანხმებით ხელშეკრულების შეწყვეტა) უნდა გაფორმდეს წერილობით - მხარეთა შეთანხმების სახით და დანართის სახით უნდა დაერთოს ხელშეკრულებას. მხარეთა წერილობითი შეთანხმება ცვლილების თაობაზე, ჩაითვლება ხელშეკრულების განუყოფელ ნაწილად.

13. უფლებების გადაცემა

13.1 ხელშეკრულებით განსაზღვრული ვალდებულებების მთლიანი ან ნაწილობრივი უფლება-მოვალეობების გადაცემა ფორმდება მხარეთა წერილობითი შეთანხმებით (შემსყიდველი - მიმწოდებელი - მესამე პირი).

14. ღირებულების შეცვლის პირობები

14.1 მხარეთა შეთანხმებით დასაშვებია ხელშეკრულების საერთო ღირებულების შეცვლა.

14.2 ხელშეკრულების ღირებულების პარამეტრების (ერთეულის ფასის) შეცვლა დაუშვებელია, გარდა საქართველოს სამოქალაქო კოდექსის 398-ე მუხლით დადგენილი შემთხვევებისა.

14.3 საქართველოს სამოქალაქო კოდექსის 398-ე მუხლით გათვალისწინებული პირობების დადგომის შემთხვევაში, დაუშვებელია სახელმწიფო შესყიდვის შესახებ ხელშეკრულების ჯამური ღირებულების 10%-ზე მეტი ოდენობის გაზრდა.

14.4 ხელშეკრულების ღირებულების შეცვლა ფორმდება მხარეთა წერილობითი შეთანხმების სახით.

15. ურთიერთობა ხელშეკრულების დამდებ მხარეებს შორის

15.1 ნებისმიერი ოფიციალური ურთიერთობა ხელშეკრულების დამდებ მხარეებს შორის უნდა ატარებდეს წერილობით ფორმას. წერილობითი შეტყობინება, რომელსაც ერთი მხარე ხელშეკრულების შესაბამისად უგზავნის მეორე მხარეს, იგზავნება საფოსტო გზავნილის სახით. ოპერატიული კავშირის დამყარების მიზნით დასაშვებია შეტყობინების მეორე მხარისათვის მიწოდება ტელეფონის, ელექტრონული ფოსტის ან ფაქსის გაგზავნის გზით იმ პირობით, რომ შეტყობინების ორიგინალი შემდგომში წარედგინება მეორე მხარეს უშუალოდ ან ხელშეკრულებაში მითითებულ მისამართზე საფოსტო გზავნილის გაგზავნის მეშვეობით.

15.2 შეტყობინება შედის ძალაში ადრესატის მიერ მისი მიღების დღეს.

16. სადაო საკითხების გადაწყვეტა

16.1 ხელშეკრულების დამდები მხარეები თანხმდებიან მასზედ, რომ ხელშეკრულების ან მასთან დაკავშირებული საკითხების ირგვლივ მათ შორის წარმოქმნილი ნებისმიერი დავა შესაძლებელია გადაწყდეს მხარეთა შეთანხმებით.

16.2 თუ ასეთი მოლაპარაკების დაწყებიდან 30 (ოცდაათი) დღის განმავლობაში შემსყიდველი და მიმწოდებელი ვერ შეძლებენ სადაო საკითხების თაობაზე შეთანხმებას, ნებისმიერ მხარეს დავის გადაწყვეტის მიზნით შეუძლია დადგენილი წესით მიმართოს საქართველოს სასამართლოს.

16.3 ინტელექტუალურ საკუთრებასთან დაკავშირებული უფლებებით გათვალისწინებული ვალდებულებების დაცვა და ამ უფლებების გამოყენების პროცესში წარმოშობილი დავების მოგვარება ეკისრება მიმწოდებელს.

16.4 ზიანის ანაზღაურებასთან დაკავშირებით, გამოიყენება საქართველოს სამოქალაქო კოდექსის შესაბამისი მუხლები.

16.5 ხელშეკრულება დადებულია საქართველოს კანონმდებლობის შესაბამისად და ინტერპრეტირებული იქნება საქართველოს კანონმდებლობის მიხედვით.

17. სხვა პირობები

- 17.1. ამ ხელშეკრულებით გაუთვალისწინებელი პირობები რეგულირდება საქართველოს კანონმდებლობით.
- 17.2. ხელშეკრულება შედგენილია ქართულ ენაზე, ორ ეგზემპლარად, რომელთაგან თითოეულს აქვს თანაბარი იურიდიული ძალა და ინახება ხელმომწერ მხარეებთან. ხელშეკრულებასთან დაკავშირებული ნებისმიერი მიმოწერა შესრულებული უნდა იყოს ქართულ ენაზე.
- 17.3. წინამდებარე ხელშეკრულების ნებისმიერი ცვლილება ან დამატება ძალაშია მხოლოდ მას შემდეგ, რაც იგი წერილობითი ფორმითაა შედგენილი და ხელმოწერილი მხარეთა მიერ.

18. მხარეთა იურიდიული მისამართები და რეკვიზიტები:

„შემსყიდველი“

ერედვის მუნიციპალიტეტი

ანგარიშსწორების რეკვიზიტები

ს/კოდი: 218065055

მის: ქ. თბილისის, დ. აღმაშენებლის გამზ N89/24

სახელმწიფო ხაზინა

ა/ა GE24MB0330100200165022

ბანკის კოდი TRESGE22

„მიმწოდებელი“

შპს „ბათუმი-2007“

ს/კ 248429767

მის: ხელაჩაურის რაიონი, სოფ.თოლოგაური

სს „საქართველოს ბანკი“

ა/ა GE43BG0000000186658300

ბანკის კოდი BAGAGE22

ო.ცოტნიაშვილი



ბ.ანთაძე



ფასების ცხრილი
დანართი N1

ცხრილი №1

სატენდერო წინადადების ფასი: 114 125 (ასთოთხმეტიათასასოცდახუთი) ლარი 0.21 თეთრი

№	დასახელება	ზომის ერთეუ ლი	ერთ ოჯახზე მისაცემი საქონლი ს რაოდენ ობა	სულ (34 ოჯახზე) გადასაცე მი რაოდენ ობა	მწარმოებელი ქვეყანა/ მწარმოებელი კომპანია	ერთეუ ლი ს ფასი (დღგ-ს ჩათვლი თ)	საერთო ფასი (დღგ-ს ჩათვლი თ)
1	პროფფენილი(მწვანე) ზომით: 5.3მ X 1,14მ X 0,5±0,05 მმ, ღარის სიმაღლე არანაკლებ 2,2სმ	ცალი	7	238	მწარმოებელი ქვეყანა თურქეთის რესპუბლიკა მწარმოებელი კომპანია შპს „ანთ-გრუპ“	72.55	17266.90
2	პროფფენილი(მწვანე) ზომით: 4.0 მ X 1,14მ X 0,5±0,05 მმ, ღარის სიმაღლე არანაკლებ 2,2სმ	ცალი	7	238	მწარმოებელი ქვეყანა თურქეთის რესპუბლიკა მწარმოებელი კომპანია შპს „ანთ-გრუპ“	55.22	13142.36
3	პროფფენილი(მწვანე) ზომით: 5.0 მ X 1,14მ X 0,5±0,05, ღარის სიმაღლე არანაკლებ 2,2სმ	ცალი	2	68	მწარმოებელი ქვეყანა თურქეთის რესპუბლიკა მწარმოებელი კომპანია შპს „ანთ-გრუპ“	70	4760
4	კეზი (კურტანი, მწვანე) 0,50 X 300	მეტრი	19	646	მწარმოებელი ქვეყანა თურქეთის რესპუბლიკა მწარმოებელი კომპანია შპს „ანთ-გრუპ“	5	3230
5	თვითმჭრელი ხრახნი(მწვანე) 4,8 X 70 მმ	ცალი	520	17680	ჩინეთი შპს „ნოვა“	0.1	1768

ცხრილი №2

№	დასახელება	ზომის ერთე ული	ერთ ოჯახზე მისაცემი საქონლის რაოდენო ბ ა	სულ (67 ოჯახზე) გადასაცემ ი რაოდენო ბ ა	მწარმოებელი ქვეყანა/ მწარმოებელი კომპანია	ერთეული ს ფასი (დღგ- ს ჩათვლით)	საერთო ფასი (დღგ-ს ჩათვლით)
1	პროფფენილი(მწვანე) ზომით: 5.3მ X 1,14მ X 0,5±0,05 მმ, ღარის სიმაღლე არანაკლებ 2,2მ	ცალი	7	469	მწარმოებელი ქვეყანა თურქეთის რესპუბლიკა მწარმოებელი კომპანია შპს „ანთ-გრუპ“	72.55	34025.95
2	პროფფენილი(მწვანე) ზომით: 4.5მ X 1,14მ X 0,5±0,05 მმ, ღარის სიმაღლე არანაკლებ 2,2მ	ცალი	9	603	მწარმოებელი ქვეყანა თურქეთის რესპუბლიკა მწარმოებელი კომპანია შპს „ანთ-გრუპ“	56	33768
3	თვითმჭრელი ხრახნი (მწვანე) 4,8 X 70	ცალი	520	34840	ჩინეთი შპს „ნოვა“	0.1	3484
4	კეზი კურტანი ,მწვანე 0,50 X 300	მეტრი	8	536	მწარმოებელი ქვეყანა თურქეთის რესპუბლიკა მწარმოებელი კომპანია შპს „ანთ-გრუპ“	5	2680

ჯამი:

114 125.21

შენიშვნა: ფასების ცხრილში საქონლის მწარმოებელი ქვეყნისა და მწარმოებელი კომპანიის სახელწოდების მითითება სავალდებულოა, წინააღმდეგ შემთხვევაში პრედენდენტი ექვემდებარება დისკვალიფიკაციას.

სატენდერო წინადადების ფასი გამოსახული უნდა იყოს საქართველოს კანონმდებლობით გათვალისწინებული და შესყიდვის ობიექტის მიწოდება -ტრანსპორტირება -ჩამოცლასთან დაკავშირებული ყველა გადასახადის გათვალისწინებით.

ცხრილში მითითებული საქონელი უნდა იყოს ახალი, მაღალი ხარისხის და შეესაბამებოდეს შემსყიდველი მიერ ტექნიკური დავალებით დადგენილ მოთხოვნებს.

ხელმოწერა ----- ბ.ა.



ხელწერილი ინტერესთა კონფლიქტის
არ არსებობის შესახებ

ქ.თბილისი

16 მარტი 2018 წელი

სახელმწიფო შესყიდვების სააგენტოს თავმჯდომარის 2017 წლის 14 ივნისის N12 ბრძანების მე-5 მუხლის მე-6 პუნქტის შესაბამისად 2018 წლის 16 მარტს შპს „ბათუმი-2007“-თან ქ. გორის მუნიციპალიტეტის ვერხვების დევნილთა დასახლებაში, ერედვის მუნიციპალიტეტის ტერიტორიიდან იმულებით გადაადგილებულ პირთა ოჯახებისათვის საცხოვრებელი ბინებისათვის სახურავების შესაცვლელად სამშენებლო მასალების შესყიდვაზე გაფორმებული ხელშეკრულების შესრულების კონტროლისა და ზედამხედველობის განმახორციელებელი პირები ხელის მოწერით ვადასტურებთ, რომ ჩვენი მონაწილეობა არ იწვევს ინტერესთა კონფლიქტს.

ერედვის მუნიციპალიტეტის

გამგებელი



ოთარ ცოტიაშვილი

ერედვის მუნიციპალიტეტის გამგეობის
ჯანმრთელობისა და სოციალური დაცვის
სამსახურის უფროსი



გაიოზ ბერუაშვილი